

白
華
前
稿

白華前稿卷第四十六

南匯 吳省欽 沖之

古今體詩學舍集六

闕逢敦牂

渝州元日示秋塘六峯榆墅

江柳江花拂曙多東班祇領玉鳴珂教停越客通宵語
來聽巴人下里歌諸道烽烟終歇絕清時風雨易調和
逡巡且酌屠蘇酒我是飛騰四十週

朝衣試後試春衣鈴閣深沈點漏稀盡卽忍爾逍遙甜
黑夢共誰宛轉躡青歸馬頭鐃吹聽將近鴉背觚棱望

覽遙回首吳雲連楚水鶯花如海罨柴扉

佛圖關

累廩下重山山容淡眉撲江春春早生深樹辨禽語僕
夫先告勞關門抗修阻刺天森石萌萬丈蔽闌櫓前開
闢利藩後接夔巫部將無五丁力盜割蓬萊股內水漱
哀琴外水激彊弩設險茲必爭戰血翳洲莽當時夷獠
羣盜兵瞰城府大刀來一提颯爽動風雨世靖走魑魅
疆巖據龍虎太息紙錢飛殘瘞掩黃土

關下多瘞戰歿軍士

自白巖至梁灘宿福善寺

楊鞭指東川亂峯塞天大山泥沾曉雨新犧飯殘莖野

扉闕不局獻歲或來賀蒼藤間綠蘿冉冉暗香過野花
多可扳攬蔬亦可課頗嫌登頓煩局促礙鈴馱碧霄如
有情故遣縉雲墮上方照纖月曲几對孤坐鑑磬賞轉
清酒漿禪欲破卻憶下灘船蒼茫枕烟臥

新市一名人塘

窈窕初三月崎嶇第八塘亂山沈石鏡古縣界銅梁抱
蕊蜂遊早鬪林鳥夢長匆匆滯行李何日試溫湯

合州

碧流漾嘉陵東與宕渠合涪水支絡之涌湍撼城闕揭
來占歲初暖候改衰颯風信逆桃李波文蕩魚蛤轟

人語中浪花掠鐘磬磧岸千百尋連街十二市如蟲屈
步升懷古坐忘嗒昇仙蹟近誕瑞應記空諧先發誰較
長少陵樓納納山程心憐多初不厭紛迷大藥訊靈苗
荷鉏倘余答

望釣魚山

林皋淨春烟妍景在齊夢雲嵐映淺深盈盈水猶隔水
邊垂釣人澹蕩坐磐石水流無盡時人往有遺蹟遷治
匪自今觀物契從昔邨鼓聽闌如幾行鷺飛白

觀音巖

晡發利澤場投足涉夷行斷橋修竹林牧兒弄蘆管導

行泝層坡北折踐牛曠削成類昆吾連岡勢席卷僉停
跡歎顏皴瓢有虛窓老蛟化怪藤伸爪肆排攏山葛皆
倒披紛護石虬卵捫手擬循牆蓋頭喻覆盆側身望青
冥天罅日華短始知行路難雲霧不可撻蓮花妙莊嚴
西來示跣袒佛性忘喜嗔兀胸絡蒼蘚偉哉神鬼工孤
往利用塞前路杏花繁人家帶深畎

壁山至南充道中作

行是渝州住果州亂山野店接官郵春風吹面人騎馬
抵得斜川五日遊

讀書臺並釣魚城笑倚桃絲竹杖輕合作仰家聚頭扇

東川新様勝南京

樹擁荒莊竹覆谿斷無磧磧碾春泥山童細翦元修菜

要點辛盤乞醉題

磔磔斑鳩穀穀鴉午烟青處見人家一盃滿貯連宵雨
鬧煞新年兩部蛙

鼙甜筍苦韭離披不種來年種茜卮聽遍前邨珠絡鼓

雞豚爭賽竹王祠

浮蛆開甕酒旗紅仄岸危矼宛轉通吳第湖邨寒食路

金蠶石馬紙錢風

二分桃李一分梅人日撩人爛漫開指點壺漿迎道左

隔江遙唱野鷺來

時荊州官軍過境

習靜誰尋抱朴賢天綱宅廢問何年萬冢燈火金泉路
卻說瑤姬謝自然

果州春興示假守沈五澹園

羣山圍野水圍州鄭重雲旗賦遠邇挑菜乍交人穀日
傳柑須話鳳麟洲觀星夜閉譙侯宅開漢晨登紀信樓
試向炎劉數興廢幾春謝豹喚春愁

板楯輸錢世代賒角磬悲壯控西巴已殲白虎申秦誓
未表青衣改漢幕荒簪鉤輶頻過鳥壞牆躑躅故催花
雲臺將相原無種車騎城邊指落霞

爻卦縱橫點石斑猶龍一去杳無還不圖寒女支丹竈
翻使飛仙響玉環縹渺金容懸殿上模糊墨勑落人間
步虛堂冷松杉老鶴馭如烟何處攀

連街燈火鬧連宵局院披吟耐寂寥銅井梅花孤昔夢
畫梁燕子好同招故人氣槩今投筆時見示和寄王考功軍中四詩諸將勳名頗得梟畱與郡齋催八咏一時齊瘦沈郎腰

果州上元寄家人

餽分綵勝湖鄉夢寢簇銀花禁苑班今日文書堆案少

金泉山對寶臺山

笛步爭堂興未灰蠻天雨水蚤聞雷細腰屋棟蕭常倚

可似吳儂作達來

兒女青紅鬧隔垣松牕枯坐獨忘言如聞小宋風流語
底喫黃齋作去上元

朝真繡佛唱巴歛細數賓人景物殊千里月明同悵望
有人燈市住成都

沈澹園褚拱亭招遊金泉山甘露寺

重山圍數州萬疊湧駭浪莽莽東北川天影覆幙帳岷
絡歸果城俯仰入夷曠譬如意驅馳失勢乍一放頃出
城西門西谿水搖漾崎嶇隨步矼短漿偶來傍喚渡笑
未磨花氣極張王離離草綠坡窅窅相翳壘取道牛跡

間人跡奮相向良久逢導師願作瓜豆餉周折升茅亭
若磴滑難抗闔檻納餘清惡竹塞四望咄嗟鐘磬聲飄
落上層上高眺目轉迷冥接趾偏壯雖無甘露零卻有
遠風颺方池渟湛然暗泉互輸儕優游茶話地所歷皆
危嶂鑿壁施檜巢到眼詫奇創低掠鳥一行高過牧雙
唱散金冶不乾千頃菜花漲錯以葱麥畦繡出淺深樣
舞鳳峯盤盤白蓮波益益窮巖試廻面瞻禮帝釋狀頗
訝兜率宮而化支提藏童駢昇列仙碑版祕珪瑩寶壘
訊已凋精藍憩較暢大夫領郡邑是邦寄保障力當物
饋銜帖帖息輿謗庶幾爲政閑允矣雅材尚臨去重徘徊

徊斯遊冠巴闌

題澹園渠江跋燈詞

落燈風比試燈豪
簇炬班春夜色高
從此蓬山添勝事
柳州新守舊儀曹

走馬蟠龍假面多
定看金甲洗天河
連宵買斷錢塘景
欲寄梅花奈遠何

京廠繁華夢隔年
米家規樣月娟娟
巴賓風尚嫋嫋語
難擬清歌沈下賢

謳周祠

觀星臺畔草鋪茵
鼠子分明是老臣
宮府非才追蔣費

朝門何黨結黃皓

陳祇

匆匆玉馬謀偏豫莽莽銅駝恨

又新天道人倫兩茫昧怪他奕代產高人

吟謠周風子張文潛梁父

辨興衰溫飛卿詩從此謠周是老臣逸少帖周有孫高尚不出

陳壽墓

魏書魏略魏春秋列鼎分編義獨優勸進有文懸漢室

辨亡無論斤吳侯姦同誤主苟前輩喪近忘親禍末流

今日南充停廟食蕭蕭狐兔竄荒邱

邵公濟謁武侯廟文惟史臣壽姦言

非公惟大夫周誤國非忠廟食故里蓋此南充當以朱竹垞論爲得

發南充至瀘谿宿

春行心易恍畏山計程緩朝發充國城筮象協幽坦非

無三里平亦似九曲轉前邨宵雨餘澑澑響清曉牧人
跨犢來鞭拂柳陰淺桃李花萬重錦雲麗纖纂雲外或
樓臺雲巾祇雞犬自尋金谿渡更涉瀘谿飯茅茨交步
櫛局促過輕憊燈候云已闌笙歌幸可遲歲豐民氣和
理靜俗塵遣謝去思悠然疎星照孤城

永豐場

山蔬山果壓糟香有鳥提壺喚客嘗忽見碧桃穿翠柳
永豐場勝永豐坊

大風度琵琶嶺

蜀險天下稱陰鬱闕晴曝幸無焚輪颯倒吹昧春日侵

晨越重嶺苦霧漲羣木眼穿烏翅騰心折羊角簇滑逕
埽忽乾千仞澗一蹴陡立斷上升直落冥下囁輕韶闢
積鐵左旋右斯觸助虐誰所爲作怒土囊_{音質}爲紙浩難
牽馬毛懷先縮雖有資育姿迎僵負仍伏我生非海鵬
奮飛阻卷跼寸步心寸懸搖搖象旌纛焉得殺風雨社
公睡偏熟愁聽子規啼雲邊裂山竹

南部

吾宗有道子千里寫嘉陵西水何年廢南山在戶凝賣
鹽黃土坎搗藥白雲層借問君平洞春農笑未膺

靈雲洞觀呂道人榴皮書石刻

嵿旁停雲巖斜衝靈雲洞偶循城北行跡滯興飛動漾
水淘我旁終古絕漸凍白沙護綠疇竹霧幕虛空疏籬
三數家紛抱灌畦壅詰曲扳層坡有聊豈得縱磐陀萬
丈橫斷壁一扇控蘚潤石氣乾扣響答如典列炬輝極
幽仙鼠逝倥偬左右駭棲牢高下詫騎棟舊題何處尋
仙游費折衷座間鐵笛吟袖底青蛇弄瓜皮蘸斗墨遺
句耐廻諷岳陽書榴皮斯舉信伯仲雖非摹勒真足醒
塵攘夢出谷春曠如山禽發妍哢

老鴉巖

江底插石山山廻江始見東風吹積烟危檣倚灘爨斧

白居易
歌何處聞羣木媚蕊蒨倒映千里流練光蔚藍澱泉深
幽竇喧磴古怪藤纏陰陽既離合對面錯冥眩神猿臂
怯扳病馬背難旋老鴉忽飛到聲勢走雷電四控巴西
東萬古幾征戰黑水戍旗翻行程尚如綫

錦屏山

青巖山已摩黃連埢已度一笑江色開亭亭簇涼鶯鶯
去人漸來人行鷺還遇無多春溜間指點錦屏渡高擎
青蓮鬢下啄朱鳥昧瞳朧孤曜升鬟簪片雲吐須臾躋
其麓精鐵詫生鑄滻染兼丹黃劈裂斷竹樹居然金兜
恩百丈擁江路返影伴長虹坐鎮馮夷怒當時渭南老

眺聽入游寓有懷仙聖蹟每帳牧樵付四院待更新重
城望如故闢苑倘相從殷勤鶴書附

閬州懷古示太守蔡新惻前輩

錦屏粉蝶對層層洗盡瘡痍戶口增海外神山移閬苑
州前衆水會嘉陵佩刀俗悍思循吏劫火年深辨異僧
從古太平須備武貔貅千帳盡即悲飛騰

石棧連雲絡漢中紛紛守戰幾英雄鑾迎七姓虛冠帶
路括三巴長芋橦龍女潛藏何物在鼈靈臨眺與誰同
鞚鞬雙架春城暖稍怪黃塵卷朔風

百二巖疆十二樓珠簾畫棟歲悠悠圖懸戲蝶風流改

檻納盤龍氣象收不斷仙梯扳杜老無多羌管祀桓侯
大江東去吳天遠浩蕩誰如萬里鷗

占星搗藥綴臺基蠟屐因循負壞碑廟食斷難容鄧艾
城成偏自說張儀定中環珞垂千佛閬中廣元有千佛巖亂後旌
幢遭六師指王屏藩之叛爲聽海棠谿畔雨好邀太守醉畱詩

張桓侯墓

無命官終聞爲靈史謚桓兒童知俎豆寇盜避鞭彈虎
氣騰騰震龍雲翕翕蟠相依長大葆轉戰祇孤鞍蜀業
希全定吳盟憤遽寒復仇爭卷甲赴敵怒衝冠肘腋中
宵變頭顱異國看咤聲銷項籍盤勢失陳安啼血英魂

慘招衣宅兆完紛絰書括地慷慨記登壇遺佩光在

羣謠姓字刊淒涼華表影故非路漫漫

義山詩關張無
志闕中梓潼俱有侯墓刀劍緣有侯刀錢遵王記侯

字益德益今謠與謂與侯名合則與嗣公名亦合也

新懦太守餉餅及魚

屑黍環膏擣製精金盤堆送作人情

杜詩桓叔
名作人情

廚娘孤

負麻姑爪爲報吳均賦未成

嘉陵溜緊魚難得白甲

魚驚看出網偏長記江南二三
名

月銀刀喚買箬篷船

香傳裂餅山農熟節勵懸魚郡守貧願向社公分點雨

細沾高棲潤枯鱗

時郡中望雨

將發閩州畱別新懦太守

黛色山榮碧玉流多君勸我賈胡畱小同經義傳黃口
老杜詩情賺白頭東閣屢遷纔出守西湖雖好漫歸休
端明舊里田園少須對香沉憶惠州

曾躡明光珥筆隨紫薇花底散差池如何話雨巴山夜
未是銷烽雪嶺時荒驛點兵行役久累城保障乞身遲
來朝揮手臨郪口笑指廉名隔郡知

夜渡大侯塲

日落山鳥喧征夫急投路崇岡蟠蛇蛇十駕九偏誤積
腥吹陰風颯颯戰荒樹左右皆覆翻上下洶淵呼列炬

雖爛如萬象自猶暮重關抗絕頂寥落數家聚人聲雜
犬聲側耳慰惶懼來程一廻眺尺寸入窘步明知前去
難馬力且傾注顧影短裘寒東峯月微吐

金峯寺

嵐翠沾邨邨盡寺門揭雙林冠孤峯扳蘿徑荒絕諸
天色相超趺坐味禪說日晴鐘鼓長風靜旌旗列前榮
試睇望衆嶺勢如玦離離珠斗聯泠泠玉帶折愛茲山
水滋謝彼煩惱熟籠壁是何人浮生繙勞轍

鹽亭

城外有文
湖州祠

馬首鹽亭渡人烟動晚晴半山團小縣幾代廢孤城下

水舷歌穩分場井稅輕鵝鴨春絹白懷眺若爲情

發閩中至三臺

閩州城郭勝丹青十日松堂對錦屏海燕乍來人乍去
玉堂無伴思冥冥

東巖兄弟如龍虎山鬼衣裳滿辟羅誰識南巖舊池館
蓮花蓮葉總無多

白沙翠竹霧濛濛西水分明是小漳渡馬前坡遙歇馬
天元香火梵王宮

桑葉疏疎疎柘葉齊平田成畝峻成梯浮嵐縹緲輕健穩
且往金峯覓舊題

攀確千山界路明
林爭露柏梁材最憐白鷺翻風影
老鶴盤霄不下來

靈山南上紫金山如帶瀾江路幾彎爲酌湖州饑太守
凌雲閣下醉忘還

楊花柳絮糝春衣新水溶溶沒釣磯占斷層坡紅未了
木香紛搭野薔薇

桃花谿接稻花溝短短茶亭倚驛樓過涪江沙路軟
今朝馬背見牛頭

遂寧糖霜

昔聞摩揭陀妙演熬糖法材從竿蔗徵濂取木榨壓曝

汗事不煩爲霜製猶乏有谿市成亥厥戶籍著甲橫根
接棟耘挺幹應期鋤去膚液尚含候火水相洽浮浮杏
粥旨潑潑菽乳招承盤詫粢鋪擗金記颯雪崢嶸假山
堆璀璨團枝夾砂腳如積蘇鑑面若褪匣雀子鹽失珍
鵝兒酒同狎貴紫誰所稱尚白世乃業士兼明福宜境
越潼綿狹茶病謝紛紛蜜甜喻恰恰早垂坡谷篇竝錄
洪邁王灼劄何日載吳船中冷沁教呻

二月十六日潼川試院念少鈍是日自京歸里

千山萬水素心同蝶蝶南園草色籠念爾今朝扶遠旆
全家幾路上孤蓬麻衣葛帔干戈後碧血青燐俎豆中

莫倚江湖慣飄泊打頭何限孟婆風

茱萸灣口赴京船長記夔蛇對影憐家具無多教互借
官書不少看同編故人慷慨真千古老我蹉跎近十年
聞道諸郎爭誓墓一碑希附姓名傳

金魚幕燕漸倉皇祭告哀哀幸勿忘海宦未停接婦緝
此鄰休議富翁牆東南初日瞳瞳轉西北浮雲浩浩翔
昨夜曾騰徵中酒還朝夢醒卽還鄉

潼川清波魚肥美過他處

鱗點銀華骨綬絲全蒸碎研總相宜鄰江水靜澑江緩
況是楊花覆雪時

潼川紀遊酬王明府東廬

蕩蕩龍頂門荒荒牛頭寺寺廢跡尚有汗漫引絲巒石
砌春澗枯倒影渺嵐翠如眠或如伏斤斧日尋至剗斲
兼熏燒酷烈甚黥劓斯首縱頽然誰牧復誰餉草樹慳
不萌冢域亂無次箕土垂大名實拜杜陵賜君冢近臨
淄牛山涕殘淚爲言濯濯形風景適相類所幸臺構重
簡人假豐髮爾牛真童童前言吾非戲

右牛頭山

三臺本非臺疊浪駭三激蒼然湧之西郊縣名由此錫春
風吹給衫取道抉茨荻向背蹤旋迷續斷望偏的雲頭

振刹竿欲上心轉惕八牕拓空空萬井窺歷歷雙江瀉
一杯南下建瓴瓶包裹千萬山未必淵洞滴遼座自茶
瓜蔽門但楓櫟夙聞學道人丹竈守岑寂鶴語杳不傳
螺痕覩可覩眺古散鬱响歸鞭隨牧笛

右三臺山

山骨排嶮嶒柶然袒空腹洞門界朱闌湛湛閉寒絲鑑
影涵一匱珠光漾千斛不竭并不盈萬古蔽暉曝文魚
四五頭噓沫浪微蹙了無石竇穿豈異金盆蓄重龜證
三摩華鬘耀春日香燈麗陽阿水月此涼渙投錢來衆
生泉底粲可掬庶幾被慈雲法雨灑原陸枯僧解我意

酌水淪苦菊靜聽參廣長何煩喻琴筑

右琴泉

與東廬人琴泉寺韻人爲觀音會觀劇

朱旗繡蓋屏傳呼麥淺桑濃徵畫圖笑指琴泉山寺湧
瘦筇幾節待親扶

雲廊法鼓響闢闢海會尋嚴祖拜偏一抹春衫香霧底
歌聲齊簇四條絃

金人火獸眩青紅竹牋瓈玲別殿通勾得浮生閒半日
帽檐吹上紙鳶風

十載修門木石腸旆寧賭唱感茫茫今朝誤入遊春隊

便惹遊人溢看場

白巖壩

午發城北門萬山擁圭撮鼈背無片苔荒磧參寥禪
江如綫來要解赤鳥渴白沙繁遠邨所向頓空闊曖曖
嵐霧橫蓬蓬水雲活好風湧綠疇弄影上木末迢遙香
積場幾輩託衣盜巖下藝禾麻巖前種杉栝傍巖田父
居竹光護門閨攬巾感黃塵何時重披豁

寒食抵綿州驛舍記去年是日舍此

旬來山雨稀飛埃漲畦棱夷庚就左綿溝遂失汀瀼乍
別猿門鐘復下馬嶺磴柳陰榜鈞船呼渡響斯應偕行

三兩人適館坐闌定栗畱啼漸闌鼠姑落無賸分明寒
食天風候故庭逕往歲嚮嘗停今朝闌載凭鼎鼎百年
間有酒且持贈一派芙蓉谿春酣試乘興

漫波渡

讓水不可航廉泉不可汲驅馬臨漫波蒼茫感遙集謫
仙望隴西長庚夢投入談笑王侯輕識賞將相及區區
詩酒豪矣足當豎立白頭歸未成萬古照鄉邑匡山雲
漫漫涪江溜潛潛靈風何灑然禾黍動原隰豈論祠墓
存多恐鬼神泣青蓮出汙泥冉冉妙香襲

江油雜詩

龍州南下水粼粼野戍移來小縣貧惆悵棘陽兒過處
荒祠誰祀李夫人

漢壽城邊稅未停秦川間道走駢鈴谿靈不爲神仙尉
也放閑雲入古廳

天倉天柱曠躋板石麌勻磨一飽懷種樹祇誇黃樹坎
求魚休問白魚山

長庚飛去歲三千書劍淹留愴靜便無數青楓沈鬼火
點燈山路獨飄然

連朝苦霧散迷濛豌熟蕎生卜歲豐卻怪清明花信早
竹闌落盡亞枝紅

屋後嵐光屋右城鉤簾一笑眼雙明東風入夜全無賴
亂打春灘作雨聲

贈平武教諭巴州王

世沛蒼水

泮宮先生將家子鵠印龍鈴棄如屣學書豈爲記姓名
游宦無煩去鄉里剛氏學舍低打頭終朝一餐冬一裘
關尹五千雖有待門監七十更何求自言少學一人敵
日高超距夜鳴鏑金梢飛裏雪鋒寒滿樹梨花影圍筆
昨年風鶴到成都烏府相要禮數殊恥遺尺書招贊普
願將寸組繫單于君看槍法通兵法進攻毋狃退毋乏
守已先從養氣參乘人轉爲忘機沿落雁軍聲京國來

拂衣歸指講堂開挽強空負顏高譽倚重曾需刷孟才
弓腰帕首舊裝束久戴儒冠辭部曲虎魄當杯爛漫紅
苔紋遶砌森沈綠蠹簡叢殘霜鬚深陰平閣道幾登臨
但尋黼黻卿雲手莫論衙官屈宋心

鄒雪泉明府招同秋塘六峯遊寶圖山

圖山在南徐陳與金焦副古成稽江油是山姓以寶寶
仙字子明投簪隱巖構試看鼎寵遺尚閱香火壽三春
遲日妍千里走祈祐嘉遊彼詎知遠睇我早覩雙峯何
嶄然離立狀如闢其下如崇墉言言亘高袤幾疑大劍
關移鎮錯昏晝連朝天老晴蓬勃苦難漱薄陰披衿衣

西平渡懸溜餌炊麥隴香糞壅稻溝臭鳴雞吠蛤間取
徑逐鼯狹自登接待堂嵐采沐巾袖青綢霧氣涵白薇
露香透遂辭韓童去直向靈官叩螺旋歷幾層陡絕幸
不仆略同粉蝶排或學畫檐覆元氣所結成自頑欠一
秀漸聞鐘梵音齋房履青豆當面起危巒打頭探虛岫
花鳥寂無言相看益蒼涼再上凌百盤欄楯冠冕斂兩
條碧玉參森對若雙堠孰云劈斧皴將謂累丸湊譬以
磊落姿零星嵌教就摩厓伎猝窮鍊石理誰究此閒眩
神鬼綠章待親奏載填橋繫繩俾運瓦通雷焉用千百
羣朝真事炷火守門鹿最馴歸路馬須驟孤僧送自厓

暮靄悵迷霧

觀雲巖寺僧天虛度鐵橋云每傳惟一人能渡
南厓北厓抽玉簪老死不邀遊屐臨寶鏡鍊鐵長十尋
似橋非橋索非索分繫兩頭著雙腳別繫一條手斯託
下瞰萬丈行徑微不淵不礪無蛟夔蹉跌失勢身爲泥
戒僧骨瘦解飛渡脈脈跂跂等平路結香火緣末朝暮
彼岸琳宮方畝餘以鐵作瓦仙迺居打鐘伐鼓驚玉虛
其旁小山擬蓬島亦有鐵繩直如綾咄爾依然事焚埽
疾翻駭鳥高挂猿集木騎危兼肘跟代傳無二神祐尊
假神眩人聽頗倦巧者祇因習者便回人繩伎眼親見

鐵橋峯阻羅與浮天台石橋吾未遊
盈乎雲巖期久留

白華前稿卷第四十七

南漸 吳省欽 沖之

古今體詩學舍集七

檢亭方伯署東新葺竹屋

參旗井絡待平章
盡埽榛蕪起畫廊
近選楚材資箇籜
客投震位驗簷篋
藥畦蕙圃看鄰近
芝館苔宮竊比方
從此蜀都添碎事
綠筠堂接紫薇堂

疎排楞眼短遮欄間架縱橫促座寬蓋頂但攀茅滿把
及肩略遣土分漫心緣空洞傾欹少節到清森剝蝕難
絕勝百花潭上屋秋風歲歲報平安

高城無復種芙蓉石柱銅磨玉室封廣廈卽教來燕賀
名材渢未信龍鍾穩垂毳幙寒全禁爽透蘆簾暑不逢
檢點一樣三尺好柯亭何日賞音重

軍儲星火切邊籌閩外膚功破竹收指柱漫嘲荷作柱
夷猶緩乞桂爲舟心懸白雪三城戍夢遶黃岡十稔樓
鄭重聽松鑪半枕細烹春筍話林邱

同慶閣故廻瀾塔址送秋塘歸里

橋是弓塔是箭彎弓不射承天殿川明季童謠承射到天殿在蜀王府春江江盡頭一髮金焦掛帆片坐君縹渺之飛甍勸君
慨慷之離餓君才朗朗照玉山齒少肩差忝同縣生平

未識馬背腫細雨騎驢過雲棧半輪山月峩峨秋拍手
和我謳長謳川東川北路好在此馭南摘星如球防身
孤劍徑歸去當世那有韓荊州把袂增懼別增悵菜花
風感桃花浪知君後夜聽猿聲卻望回瀾在天上

武侯祠

閨宮長配武鄉侯遺像清高竹柏幽玉帳星殘人雪涕
草廬鑑冷士風流弟兄豈分歸吳魏臣子何心比尹周
猶有衣冠熊虎墓關張雲旗一氣錦江頭

重過忠祠

木果木之變幕友被難祀者長興朱南仲元和顧匡時蕭山周輝赤邱成都岳延栻星嚴華陽熊應飛揚紹沂鄭文會稽田舒祿舒城許國及大竹縣知縣程蔭

桂之子烈，涇川府通判汪時之表姪黃鳴鏞，西充縣知縣常紀之外孫長炳。

授命交呼吸來祠獨涕洟營開宮失隊魂冷客招旗落月孟蘭會英聲汗簡詞浣花翁去遠拓戟古同悲

玉石驚延爐冰匪湧成烟殘骸虛馬草異相謀爲肩急難無良賤傳聞稍後先陳濤斜畔水應照筆如椽

戰地鬼呼風銜鬢一歛同受恩誰國士歸訃或家僮配食高名義迎神絕怨恫橈槍看畚埽投拜氣流虹

點野僧住資陽聖水寺洪

住資陽聖水寺洪鼎梅翁有傳

衲衣不澣面不沐長明燈下坐閉目無經可誦禪可參一飯或盡數升粟三旬九食忘苦飢蒔秧斬木乘興嬰

衆中出力氣深穩天假神力如熊羆謂僧爾何野記曾
長揖訊行者謂僧爾何默記向海翁喚茶喫海翁拋盞
僧傳成姓名到底無人識

送人之軍中

短裘快馬逝翩翩綠管平提露布傳祇爲大營軍令肅
送君無酒更無錢送行無酒亦無錢坡句

述德詩爲什邡大令仁懷任思正賦

氏任之先曰繫風姓歙州三徙黔陬載競緬投筆蹤隸
秉麾炳銅馬嘶長蒼鶩飛迸百戰身存一區賊靖有士
在累有女在遠各以禮蓄豈非德盛歸與掩關時際草

命

武翼將軍陝西
長茅臨參將職

仲連拒秦巨游抗述邁時孔愍守已斯吉父擅將材子
貫儒術僞朝盜兵卻聘絕筆匪憚爲犧匪伺爭鶴我節
如山人心似日高義嶙峋清流冽灑司戶右丞厥身先

失

節士

母也矢志而未逮旌拘限年格晦苦節貞總惟蕭蕭練
裳惄惄門無近親室有弱嬰疇任卹廢而虐悔行之死
誼亮未亡禮明曉促課業宵闌哭聲推袁此事玉光冰

清

袁孺

彼高才生繁寡婦子壞敝是承直鉤可使審機轉喉擇

地布趾翛翛鶴潔舉舉鵠起旦邊秩如修脯藐爾存濟
物心抉活人理殆彥方徒或伯休比喆嗣逢時諗予述

誄

文林郎
宋公

宋潛溪墓

龜城東去草封阡曾倚前星布講筵萬乘諭師投遠戍
一棺遇主卜終遷金華絕學雄文史石室流風替誦絃
名望各殊身世似此邦文憲亦悽然謂楊文憲

苦菜

苦茗冬不凋苦菜夏初秀通明讀爾雅草木昧尋究徵
名混一途荼荼詎同臭歌風邯鄲繁紀產益州舊豈徒

三月三擷采競傳瞞我鄉蔬筍饒是物少飣登盤饌
佳品快洗腥羶陋世情尚鮮新俗說太悠謬拘忌在蠶
家觸之蠶不救得母苦寒性生氣失騰煤縱教放箸空
欲禁滿筐售君看應應原如飴洽仁壽

鹽井

作鹹資下潤選地及黃泉井口如拳小機心似髮牽長
筍升降促巨釜委輸便轆轤雙聲和浮浮一氣聯多年
精共塌入夜製方妍野店論租配官場按戶煎連綱逮
羌俗聚絡應星躔利病同茶法看登土貢篇

題王駕部祿朋

左手篆書御寄

籀書遞省篆書揭嶧山穹碑壯秦蹕八分盛行西漢間
今隸卽楷綜其實下蔡下杜體構湮惟有陽冰鐵爲筆
後賢摹仿私印紛近代聲名窮林瀛閉門填廓絲髮紆
沒骨名花匪無質兵曹新樣學元和叔重遺篇解傳述
形聲意注歸部分高下縱橫配行俏相當相對蛇蚓蟠
獨往獨來鷹隼疾公然對客揮百番巨擘分明力全出
弩牙所發猿臂紆盡斂蠶芽詫且嫉天生此手工斷輪
困苦牽掣見切胡甸神術入陣能期挾虜雄當杯豈憚持
螯曬少年習貫成自然左之宜之破天柱翻疑搘管通
彈絲琵琶譜法試窮詰曾綱右手興奴左左者斯優右

者繙大梁布衣玉左手磅礴解衣用專壹以君書訛參
御理舍拔逐禽百不失我攜茲卷西倣裝此外隨身祇
雙膝草草休誇枝指生貝書願伯陀羅佛戰功且晚高
摩厓篆額崢嶸擁雲日

出郊馬壁作

理轡曹騰續夢殘陌頭一跌鎮無端絕塵雅笑乘船似
得路休言蹠垤難搗藥問醫愁小頓簪花試舞記長安
豪情自勸蒲黃醕未要羣公走馬看京師讌同年必演
陸馬一劇香山詩

自注馬壁

勑蒲黃酒

榕巢觀察寄鹿茸

麝鹿異牡牝釋獸冠常畜環角向外間解禦禍機威迎
陰解斑斑堅瑩美如玉春山當養茸血影紅一簇開皺
侯栗圓出金子蘭熟呼羣噉昌陽肥綻到筋肉忽如新
筍抽元氣轉不足獵人巧窺伺身手一何毒或斫或引
繩摧倒看盈掬雙歧渾沌分半顆精銳蓄塗酥炙烈燄
配食載藥錄松州隸劍南岡嶺鬱廻複合圍須及時九
氏效臣僕鹿斯不自由猗鶯委厓谷爲矜茸客名較勝
角仙族躡堂語咿嚙持壽兆百祿優旃陳諷言寇來驅
令觸朱雲講經義客來折令伏我有黃明膠爛煮凝於
粥獨少紫茄茸刀圭夢相屬盛王仁術宏動物戒戕犧

用物能濟人解網不煩祝征西大將壘肖象架枝木元
辰拜賜脯誼分託心腹降虜有東丹好圖絹橫幅

榕巢觀察自西徼歸成都卽送出松州

絲嬌管絕錦江清粟轉芻飛雪嶺橫忽灑征塵歸絕徼
別籌邊計倚長城犬羊散跡分蕃返牛馬連羣按盜平
轉爲治裝遇天假開襟儻數八年情

芙蓉城闕玉關同喜對全家燭影紅卻把笙歌辭北里
未妨談笑服西戎壺觥此處徵仁壽時六十聲初度鼓何人
樂戰功想象甘松山下過郅都名姓孽蠻童

芭蕉花蕉卷心獨上心展爲葉夏秋間心或宛
結不展展則成巨瓣其苞似蓮蕊而倒

垂一瓣既落一瓣旋吐所吐瓣之附有朵朵盛
若賓者俗所去甘露也瓣落處其莖輒若齧痕
自初瓣至瓣盡可閱一年而蕉萎矣使
署蕉十餘株先後作八花以詩賚之

陽草紛甘蕉厥葉大無對單株翹一花蓮蕊倒懸在一
瓣得氣策一瓣成功退瓣底橐鄂攢亂鬢塞其內瀼瀼
盛帝漿湛湛滴仙瀣味兼厓蜜收採及房蜂隊沾脣釀
且醇膏面要分醴嵇含狀自工宋祁贊不載越我來益
州改火歲將再當擔廿餘本誰手實培溉綠覆天影圓
青滴雨聲碎推牕見含蓄心結苦拘闋乍開鵠觜呵忽
反仙掌脩修然浮巨瓢霍如掉夾袋彎環曳長柄孰把
鋸痕淬至末瓣漸小到頭根已廢童童鳥希革種種人

受彫著華坐表襪酷烈甚芟刈剝復天地心姑取數杯
醉家園裁蒔多無此好雕繢華實饒上腴休咎養前晦
九芝象不侔八桂數相配方榮訖全落飽看廿弦膾修
竹莫輕彈竹花無此態

前詩脫稿循覽間一花暮墮地訊之家童則持
刀芟花際枯葉誤傷其蒂

官閒大有哦松分客少從無譽樹詞八朵蕉花如八寶
一花爭似肥琉璃

風吹霜打滯堅牢五字吟安夜色高怪底折除花福淺
創痕新中鵠鵠刀

世途非怨亦非恩滿注黃金眼易矯好醜聽天君記取

要刪枝葉便傷根

仙茅

范公志虞衡有茅鬱蒼孕服食從旌陽真氣佐長命旌
陽何所師誌母養清淨白日昇天霄遺祀苗山棲翦去
春又生披尋妙指證遺蹟在豫章朝真秋最盛是皆非
蜀產僰道今轉勝孤叢抽斷厓數節感荒嶝不誇三脊
登而訶獨根逆寒刈精采宏祓濯氣質定錫名娑羅參
鍾乳莫能競請誦曼碩文六味養中正揭奚斯有仙茅述鰣生
慙羞衰歛枯緯經失喜包匱材一二荷持贈安得拔

其茹菽蒔布月令與世躋太和無藥亦無病

題張文敏節抄史記

三真六草派雲間逸少紛充鐵石顏校遍百三十篇史
如蟲小字隱爛斑

紅雲祕殿 玉皇居無逸披張紙丈餘想象絳紗傳習

處梅花香沁學堂書

正大光明殿有文敏奉
遜篇文敏少學於先曾祖司諭

邱家班管紫毫純纏中尚書骨帶筋笑問元明兩文敏

硬分鼎足是何人

文敏詔與子昂元宰同
其筆惟用邱中黃所造

藏橐

叢物備五宜來來著標格藏產推果珍楷皮番紙裹成

腊小者扶寸餘黏臙不容擘大者指數圍恬澹不容薌
如瓜雖未能入藥真足惜大荒處極西厥汗受符冊覓

種盈萬裁有腕桂林隙暈紫攢鱗鱗皴紅披的的采經

烏拉

番語牲畜駄飽同曩宋出家者

嘆其核尤出奇無復

仁可獲孤離兩已背渾沌一爻畫翻之若榴柳生澀介
喉嗌以彼寒苦地乃集甘溫益句臚傳唱人練氣祕服

食繫予辱病身內景滯胸膈筐傾坐難致罕打路偏隔
想象西南番萬里獻心赤一笑檢農書簾影棗花北

聞蛩

候蛩吟旦晚滿廳夜分明似解助長歎非關鳴不平遠

江楓樹老斷龐豆花清知爾能驚嬾休傷旅客情

晴沙勘定拙詩因憶璞函舊語詮寄少鈍

學韓提得起學杜剗得進流膏被穹壤萬古丐餘潤君
身具仙骨遠與謫仙近非無沈著處神駿在天分年来
酬倡頻髡蕡驂有斬要偷元九格反落宋五韻轉悔京
國游相識遲相趁坐使跋籠姿欲飛竟難奮平生寒餓
句積歲卷挾寸零篇及亂藁大半落牆溷苦乏小胥抄
雅接故人諭江湖名士多館閣大才僅品詩如品官節
銖貴雄建轅門旗影翻幕府鼓聲震殺人不待請犒牛
焉足吝諸將前膝行長恐貫耳徇是其氣燄張豈止地

望峻自爲廸養時一意脫金印請看千夫長蟠腹突毛
鬢積資子敘遷無夢到方鎮吾儕幼師古門牆懼先捐
稍稍抉藩籬行行整行陳環中固百家孰敢肆凌躋斯
人今已矣斯語媿力振入秋排集成編年紀朔閏舟車
過半生何日敝廬糞佚作希再蒐類字待重褪文辭聲
我心事事喻鉗鈍亦知大布粗破裂耐湔拭作貢登闈
廷幔城備裁遴終輸錦段佳差免繭絲紊側聞嫋嫋稿
汗青在吳郡作序語尚虛知音盡於頓雞鳴感風雨豈
爲獵聲聞一生換一死枯淚睫畱暉庶同賦八袞浩然
了宏願璞曰以予詩如洋洋之椒蘭貴重而非法服予謂恐是高麗布耳今觀對可服官紳子詩是矣

木芙蓉

江鄉紅拒霜離立二三尺臨水照葩華天寒伴楓荻強
名木芙蓉釋木那曾釋蕊城古庭院數株影紛纖葉如梧
桐大身作檉柳側疑將芍藥花亂向樹梢折小大揚葳
蕤高低眩的綠是時秋未中夜露皓以白雅無青女欺
濫受碧翁錫黃心泥蘭蓮木蓮一名木蘭一名黃心木素面欠遺荷懸殊感物理且向膽瓶摘一呼昌祐來渲染出枝格

張酒虛同年典試還朝

拂衣久臥敬亭雲五夜占星喜見君雪嶺旌旗方奮武

錦城絲管互諭文明知後會題襟易苦記前游落帽紛
揚馬才華姑舍此好攜德驥報空翠

六峯從涵虛入都疊韻

公才公望媿青雲相士光黃獨異君斷送數升燕市酒
勾留一榻錦江文求方有藥流傳祕打卦無錢接應紛
忽向東籬別黃菊今宵愁聽雁呼羣

秦城連斗棧連雲十斛巴船泛共君行券欲書仍待命
使槎可附是衡文疆危要避軍符驛館壞須防竊筐紛
同我遠來先我返杏花紅處慰離羣

格巢觀察自微外貽五加皮反其詩意答之

蕃土宜五加采采抉荒磧使君憫民病作詩寄心惻一
把朝見遺通體細爬剔所取翻在皮彼皮壯吾力醫流
及道流祕義演前籍作釀香醇醇金玉賤不直是名文
章草譙俟證註釋亦明白刺頑方言獨人識原野紛提
筐爲利遜穉麥末重農易傷產青更斯蝕而我持論殊
亭微山滌滌堅蒼入草木穀實久寒瘠以彼不毛地苗
此資民食大法占小廉豈至患共億江河發源處葉葉
告蕃殖受者登薦方掘者免菜色

附原作

查 禮

紅橋關產靈草葉五加

五加皮本草謂莖青節白花赤皮黃根黑應五味之精葉

或三出四五出蜀所在有之
惟紅橋關所產葉多五出

香味好浸爲醪調溼燥

強力益精希世寶青青生嚴間采采驅松蠻芟削其

繁梗洗剝其苔斑侵星去日夕還登厓陟嶺如後坂

摘以重五重七並重九

千金方補五月五日采莖七月七日采根

治五藏筋脈緩縱莖葉本根行處有擣成霏屑入刀圭瘦者

能起跛者走此藥產蜀稱絕奇購致日多采日危縣

符火急給官價窮蠻妻子相嗟嘻吁乎哉安得縱

火烈山澤燒除此藥種裸麥

隔院聞琵琶

鴻似銀瓶截似刀四條絃子勝三條春風分少弦歌化

吹度重扉慰寂寥

百分圓緊一分遲不定興奴定谷兒惱亂江州白司馬
荻花楓葉送行時

番啼漢語鬪沿牽小部胡琴客漫誇土貢已停土風在

怕將桿撥教琵琶

通志成都貢琵琶桿撥

支機廟大石傳是張騫所攜

君不見筇竹無葫蘆無醬西使功名虛博望郭門片石
爾何來舊伴黃姑纖天上投梭軋軋河鼓鳴當機照耀
裳錦明一卷貽贈重瑤玖博物且問莊君平波簾翠地
眼花眩良象分明識爻變十牛推輓體倍尊五組包纏

價非賤錦江濯錦江色鮮杼柚安得平星驛九張須向
樂府采三品翻似奇章傳茂陵玉盃人間出不及龜城
臘山骨莫將餘巧鏤長鯨鱗甲搖風莽蕭瑟

站馬

鈴語遠分明軍符火急行臘槽芻宿飽選臘骨孤擲計
舍長途準稽時短漏清聞呼搖腿戰馬一時能馳五十里者謂之六百里
聞前站鈴聲及呼聲輒
股栗石人戰搖腿韓句逐渡奮蹄爭有卒充牌去馬圍
馬牌如期整轡迎出門雙翅展擁路萬人驚約背黃絲
子穩隨身自衿輕烏亭沿處處鷺堠替程程得副如同倅
圖全豫設偵分臺非隸驛定律本從兵烙字披毛淺通

詞對牕傾漏，嚴宿戒啓事。信遄征封告，臣心肅批頒。
帝謂宏刺鬪勞永夜，開道快新晴。望待紅旗慰材看，
櫨星醉南傳檄定。多少凱歌聲。

中江二詠答臧大令理谷

狸首歌斑然而何白，其面面白尾則狐凡。走疾追電是
名牛尾狸釋獸鬪經傳，故人笑我陋。購致充朝膳，法宜
帶糟蒸味勝。凝酥薦融結在脂膏，肌肉何由辨？以彼攀
樹土百果耀璀璨，橘柚爲醴漿。棗粟作餽饌，
橘柚爲漿
栗爲饌子
由素無強食惡反使殺機先。巧捷輸狙公，自肥適胎患。
老饕嗜珍品，春耕佐諳鷹之言不來斯言得母誤。

右果狸

蜜酒釀且醇
麌黃有餘德
放翁詩漢州
鬻黃德有餘
蜀釀工撥醅
豈出火攻策
肩州玻瓈春
猛挾天馬力
堆花出鄭江
一斗直三百
不嫌醜著冰
不藉麴踏麥瓦
鍋架松薪濡縷
繩滴滴玉粒蒸
自香銀瓶濶無色
交濟寬猛間真氣破滯
膈擔夫擔兩篇觀者初未識
篇之赴大嘗投醪足殺城
腐儒例寒凍壹醉媿無益
夢到下若郴雲臥弄漁笛

右燒春酒

嗣墓

在惠陵東里許
趙清獻公集記
墓在草場是也

亭侯追號尊王帝
州將威權駕趙張
義秉麟經虔斧鉞

魂隨鴻冢復冠裳蜀都遷夢天終遠宋室畱題地始光
東北荒堆狐兔盡雲旗瑟瑟意蒼茫

臘前盆蘭一蘭欲放

輕障風霜少冬堂喜吐芽似聞空谷裏春半未開花

書院講堂落成

仲翁營講堂名載常璩志所講頗紛綸豈止春秋義是
時黃老崇儒術弁髦棄太守來自舒築舍等居肆溫故
與時習左右象鱗比前有石柱聳旁有石室庇復選十
八生受經遺東詣羣遊博士門鄒魯盛不啻長卿浮薄
徒猶闡七經祕而何傳儒林獨人無一二遺蹟攝書院

風雨近稽廢雅懷高朕修深痛獻賊燧傷材至一年望
古耿百世豐碑付屏筆遠媿廟堂記往聞孝經成紫微
降天際已有講堂稱說緯太盲昧茲堂殆初祖四大等
苗裔鴻生拾級升數典戒忘墜早求鹿洞規次抉鷺湖
蔽禮殿共低回詞章特餘事

微雪

瓦縫差池白未全幾家犬走吠連連沾泥路逐霜華淺
挂樹枝分露凇鮮紙閣擁鑪喧好伴柴門納履悄當年
一尊細酌天公戲莫向邊營祇向田

石符榻本廣元縣東百丈關水中有石大如席
上有文如符人謂之石符傳是張道

陵所書佩之能
辟邪孕生男

扶桑繭紙凍雲墜似符非符字非字其橫三尺縱一尋
七劍在腰一槊植嚴關百丈厓陡懸厓下江聲響淜渾
沿江上下豁勢又貼臥盤陀淨苔翠夏漲能禁魚潦黏
曉鐘定使烏朝避中央如鏡天剗工言是道陵手摩記
樵蘇絕跡漁釣稀響撫登登強羅致高牙大旆山鬼驚
對仗垂旒瀆靈衛纓文糾結繆篆粗諭者生箱捫者畏
堂楣高揭輝日星爲是宜男許畱佩陰陽水火千刲沈
伯道無兒命所制五斗應從鄰郡傳三丰或自前朝至
青蛇無袖呵叱來化入蒼紋露氤氳羅浮竹葉猶爾爲

似此瓊奇古無二得母漢相籌筆餘脂勒仙銘妙垂示
木牛銅釜隨爐烟獨有一卷鎮鼎鳳呼童檢點牢記將
勿遣火薰與日曬五雷劈裂黃石飛且把陰符枕函祕

茯苓

丹竈無成兩鬢衰深山枯發暗凝虹一圓斲餉肥如兔
曾伴龍鱗歲月來

彤絲皓魄孕元功珍重奇材貯藥籠檢校竹刀勻刮取
莫和菖蒜挂屏風

臘後同秋漁晴沙莘田謁慰忠祠返憩草堂寺
歷青羊二仙祠作

錦官城南冬日佳百花潭水渟一涯瓣香無人草堂閉
右有祠宇扉雙闕問君此祠爲誰作昔嶺師潰攜千骸
文臣死事廿又六招魂禮復驅雲霾顧公倡予沈曹和
拂拭凜涕瞻神牌短垣乍踰竹妨帽輞梯欲下藤鉤韁
寺僧怪訊忘言說導入方丈循空階冷光靜態落枯坐
破禪花氣來嬾娃紅薔纈眼海棠醉間以梅萼非匹儕
幡然舍去暮色下歸途紺屋交樹棲銅羊不鳴石羊化
三清法界音塵乖言從二仙學丹竈龍虎丁倒成倡俳
道流勝蹟出弔詭爲言廬徵光不埋草堂寺名創梁代
工部寄泊悽吟懷丈夫侘傺起悲咤時俗齷齪情難諳

公等視工部何似印囊稍暇遊宜偕淋漓痛飲幕犀首
所職已舉誰能排或籌饋糧或磨盾行惹雪虐餐風飄
得閒便著腳底屐爲樂待解腰間綢仰看纖月照羣影
麗譙畧鼓鼙鼙皆

儉堂觀祭自郎馱曼陀寺寄題拙刻

奏賦忝通籍作詩從弱齡隨作手隨棄囊錦長漂零昨
行劍南道棧石驛跔躋喟焉感魚鳥各愛鱗與羽吟成
付抄寫要豈謀殺青墨板誇益州唐末垂模型十牋旣
傳印了了礙朋丁陸郎亦苦相勸雕馭喧都亭工紙頓
粗劣百蠹無一靈封題寄夷微佛火宵熒熒灑將曼陀

雨落筆開丹櫺君詩數千里哀玉編瓏玲近成北征集
掩耳驚飛霆會當繡蠻布何止藏禪扃我爲和凝符君
爲樓護鯖誰爲主客圖一歎天光冥

除夕

小盡宵長作大除印牀伏暇鎖闥虛催租遇節忙支放
載筆趨霜戀一起居鬪健憤嘗南熟米獨以米之精者爲南熟愛
閑稀附北歸書分明散學邨夫子料理囊錢俸盡卽忍

餘

鐵馬縱橫間木牛一官雖貴似懸瘤檢方恨少陳生問
謂六峯白詩
不問陳生藥拆字疇從謝石謀瓦上霜華春易轉街前

爆紙夜難休

皇恩再准三年住度歲誰如此慶

閩市燒畲喜氣重無冰無雪過三冬
伶俜楸局賓蓬戲漫滅桃符吏絕供文武遷除軍令便農商通惠市心濃
不妨豫想銷兵候痛飲屠蘇酒百鍾

憶弟看雲久廢眠阿羅嬉逸畫堂前眼穿一信頻經月
指數三更又換年內府求書荒蜀板故人失計上吳船
秋塘歸試未利朝正載告青袍士好向清時勉誦絃